

氏族典第四百四十二卷

仰姓部彙考

廖用賢尙友錄 仰姓

仰汝南宮音見姓苑今新安吳興並有此姓又望出錢塘

仰姓部列傳

漢 仰祇

按萬姓統譜祇御史大夫

宋 仰仁銓 仰仁謙

按萬姓統譜仁銓吳越寧國節度使 按尙友錄仁謙吳興人太平興國間以太子舍人知永嘉

廉靜有能撫民如子時錢氏方歸疆土仁謙始爲邑令政事一新人爲改觀

仰忻

按宋史仰忻傳忻字天貺温州永嘉人力學以篤行稱年五十餘就母喪盡孝禮躬自負土廬於墓

側有慈烏白竹之瑞紹聖中郡守楊蟠表其里孝廉坊大觀二年以行取士郡以忻應詔未幾卒特贈將仕郎

仰文蔚

按鄭樵通志宋紹興中登科仰文蔚温州人

明 仰瞻

按明外史虞謙傳仰瞻長洲人永樂中由虎賁衛經歷遷大理寺丞正統間王振用事百官多奔走其門惟瞻與大理卿薛瑄不往會與瑄辨殺夫冤獄益與振忤遂謫戍大同景泰初召爲右寺丞執法愈堅在位者多不合移疾歸加大理少卿

仰璿

仰昇

仰儒

仰公顯

仰惟仁

按長洲縣志璿字彥文瞻孫成化間歲貢任山東濱州同知

按萬姓統譜昇字晉卿無爲人成

化進士任河南左布政使

按萬姓統譜儒餘杭人弘治進士

按萬姓統譜公顯合肥人萬

曆間撫州衛指揮

按江陰縣志惟仁南昌府倉大使

仇姓部彙考

凌迪知萬姓統譜 仇姓

仇音掌見姓苑周孟子毋仇姓

仇姓部列傳

梁 仇腎

按萬姓統譜腎梁州人

明 仇經

按高苑縣志經洪武二十四年本縣簿王文禮薦於朝授本縣訓導陞開封太原府知府以廉能選
河南道御史永樂初以言事謫常山縣知縣愷弟愛民任九載卒

仇一豪

按高苑縣志一豪經子歲貢生

賞姓部彙考

鄭樵通志 以族爲氏

賞職尙反姓苑云賞氏吳中八族也晉有賞慶

賞姓部列傳

晉 賞慶

按奇姓通慶註周易爲郤鑒主簿

明 賞震 賞璿 賞賓

按萬姓統譜震會稽人洪武中任理問

按萬姓統譜璿會稽人宣德中任順德判

按萬姓

統譜賓寶鷄人弘治中任常山丞

掌姓部彙考

鄭樵通志 以族爲氏

掌氏魯大夫黨士之後以音掌故從音文揚雄與劉向歆書云林閭妻蜀郡掌氏望出琅邪燉煌

掌姓部列傳

晉 掌同 掌據

按鄭樵通志晉有掌同 按鄭樵通志前涼有遂興侯掌據

宋 掌禹錫

按宋史掌禹錫傳禹錫字唐卿許州鄆城人中進士第爲道州司理叅軍試身言書判第一改大理寺丞累遷尙書屯田員外郎通判并州丁度薦爲侍御史出提點河東刑獄杜衍薦召試爲集賢校理改直集賢院歷判司農太常寺遷光祿卿改直祕閣英宗卽位自祕書監遷太子賓客以尙書工部侍郎致仕卒禹錫矜慎畏法居家勤儉好儲書所記極博然迂漫不能達其要

掌奏 掌天鈞 掌世衡 掌之純

按鄭樵通志奏密州人登科 按鄭樵通志天鈞密州人登科 按鄭樵通志世衡許州人登科 按萬姓統譜之純政和二年知汀州

党姓部彙考

鄭樵通志 外國大姓

党氏党去聲今人呼爲上聲本出西羌姚秦有將軍党耐虎自云夏后氏之後世爲羌豪又有吳平男党娥子孫居同州

凌迪知萬姓統譜 党姓

党丁浪切今作党音黨馮翊商音與黨姓通晉大夫黨氏之後也又本出西羌自云夏后氏之後

党姓部列傳

晉 党耐虎 党娥

按鄭樵通志姚秦有將軍党耐虎 按鄭樵通志姚秦有吳平男党娥

唐 党仁弘 党芬

按萬姓統譜仁弘廣州都督高祖入關有功後歷官受賕法當死太宗曲赦其罪斥爲庶人 按

萬姓統譜芬爲房瑄孔目

宋 党進

按宋史党進傳進朔州馬邑人幼給事魏帥杜重威重威敗進以膂力隸軍伍周廣順初補散指揮

使累遷鐵騎都虞候宋初轉本軍都校領欽州刺史遷馬步軍副都軍頭領虔州團練使改虎捷右
廂都指揮使領睦州防禦使建隆二年改領闔州乾德初改龍捷左廂都虞候五年領彰信軍節度
開寶六年改侍衛馬軍都指揮使領鎮安軍節度九年命征太原召還太平興國二年出爲忠武軍
節度在鎮歲餘疾卒

党崇義

弟崇貴

党琪

党師經

按宋史党進傳進子崇義閑廐使崇貴閤門祇候

按鄭樵通志琪淳化登第

按鄭樵通志

慶曆登科党師經延州人

党仲昇

按萬姓統譜仲昇漢川人金人圍安陸遊騎闖漢川仲昇保守南河逆戰斬其先鋒焚其戰艦金人
大敗去劫金人寨殺千餘人仲昇中流矢死賜修武郎

金 党純睦

按金史党懷英傳懷英父純睦泰安軍錄事參軍卒官

党懷英

按金史党懷英傳懷英字世傑故宋太尉進十一代孫馮翊人父純睦泰安軍錄事叅軍卒官妻子不能歸因家焉大定十年中進士第調莒州軍事判官累除汝陰縣尹國史院編修官應奉翰林文字翰林待制懷英能屬文工篆籀當時稱爲第一學者宗之明昌元年再遷國子祭酒二年遷侍講學士明年遷翰林學士承安二年乞致仕改泰寧軍節度使明年召爲翰林學士承旨久之致仕大安三年卒諡文獻

明 党理

按萬姓統譜理字邦仁真寧人洪武二十九年以進士出知河南之宜陽縣能以經術節吏事政通人和境內以治永樂初陞太僕少卿理爲人渾厚沈潛爲文敷暢典雅有邁乎人

党厚本

按萬姓統譜厚本新都人成化中任荊門知州

党茂

按萬姓統譜茂忻州人弘治間知武功性淳篤質直而善緘默御吏治民不責於人情之外事完令行而已中更剛正不畏強禦譽來不喜謗至不怒有長者之道當路者以爲才劣於縣改渭源檄至慨然委任以去人至今稱其賢

黨承志

黨以平

黨承賜

黨緒

黨縉

黨馨

黨正

按萬姓統譜承志字汝孝忻州人正德辛未進士歷布政按萬姓統譜以平字守衡河南鉤州人正德甲戌進士歷都御史按萬姓統譜承賜字汝錫忻州人嘉靖壬辰進士任御史按

萬姓統譜緒字汝水承天衛人嘉靖癸丑進士歷同知按萬姓統譜縉太康人嘉靖中任兩淮

鹽運司同知按萬姓統譜馨益都人隆慶戊辰進士按濟南府志正歷城人萬曆間貢生

官判官

黨疏

按陝西通志疏字叔玉城固人崇禎丙子以恩貢保舉官代州知州因逆闖破關卜築東山終身不出

黨國柱

按陝西通志國柱字伯才扶風人崇禎貢士任邵陽訓導癸未賊陷長安遂棄官高臥絕跡城市

黨姓部彙考

鄭樵通志 以族爲氏

黨氏公族見釋例周世族譜

凌迪知萬姓統譜 黨姓

黨商音馮翊

黨姓部列傳

周 黨叔

按左傳襄公二十九年范獻子來聘公享之展莊叔執幣射者三耦公臣不足取於家臣家臣展瑕展玉父爲一耦公臣公巫召伯仲顏莊叔爲一耦鄆鼓父黨叔爲一耦

晉 黨同

按萬姓統譜同晉人

明 黨緒 黨朝用

按無錫縣志緒嘉靖三十二年癸丑進士任思安同知

按昌樂縣志朝用陝西富平吏員嘉靖

年任主簿

黨還醇

按明外史黨還醇傳還醇字子貞三原人天啟五年進士授休寧知縣有善政以父憂歸崇禎二年服闋起官良鄉大兵薄城督吏民乘城拒守救兵不至力屈城破與典史史之棟教諭安上達訓導李廷表驛丞揚其禮並死焉上達貴州安順人萬曆末舉於鄉闈門死難事聞贈還醇光祿丞上達五經博士與其禮等及千戶蕭如龍何秉忠百戶李膺並配祀還醇祠武舉人陳蠡測諸生梅友松等十五人烈婦朱氏等十七人並建坊旌表是時列城被兵多失守其以死事聞者香河知縣任光裕灤州知州楊燦光裕贈卹如還醇燦贈光祿少卿

廣姓部彙考

凌迪知萬姓統譜 廣姓

廣宮音丹陽廣成子之後

廣姓部列傳

宋 廣漢 廣熙續

按萬姓統譜漢紹興三年任通判贛州軍事

按萬姓統譜熙續永州別駕

明 廣嵩 廣巖

按奇姓通嵩六安人洪武中舉楷書任中書

按萬姓統譜巖蒲縣人正統間雞澤縣丞

上姓部彙考

凌迪知萬姓統譜 上姓

上是掌切商音見姓苑

上姓部列傳

漢 上雄

按萬姓統譜雄見印藪

宋 上繼

按奇姓通繼字承之號竹齋宋內侍入道改名正真

元 上都

按萬姓統譜都爲中興判官統兵擊賊旣而東門失守上都倉黃反鬪力屈賊執之使降上都大罵賊怒刳其腹剖其肉而死

明 上漢臣 上泰 上志 上觀 上伯時 上好仁 上國光 上一斌

按膠州志漢臣永樂年貢任渾原州知州 按奇姓通泰字志同江夏人景泰甲戌進士歷廣東

左叅政 按萬姓統譜志陝西人天順進士 按萬姓統譜觀字景詹江夏人成化中任知府

按萬姓統譜伯時吳川人正德中大冶縣知縣 按膠州志好仁隆慶年貢任延長知縣 按

膠州志國光崇禎年貢任青州府教授 按明外史左懋第傳南京失守遊擊上一斌以不降誅

朗姓部彙考

凌迪知萬姓統譜 朗姓

朗見姓苑

朗姓部列傳

明 朗清

按萬姓統譜清象臺人宣德中任都察院司務

蕩姓部彙考

凌迪知萬姓統譜 蕩姓

蕩宋桓公子蕩生公孫壽壽生意諸以王父字爲氏故爲蕩氏

蕩姓部列傳

周 蕩意諸

按左傳文公十六年宋公子鮑禮於國人宋饑竭其粟而貸之年自七十以上無不饋詒也時加羞珍異無日不數於六卿之門國之材人無不事也親自桓以下無不恤也公子鮑美而艷襄夫人欲

通之而不可夫人助之施昭公無道國人奉公子鮑以因夫人於是華元爲右師公孫友爲左師華耦爲司馬鱗驩爲司徒蕩意諸爲司城公子朝爲司寇初司城蕩卒公孫壽辭司城請使意諸爲之既而告人曰君無道吾官近懼及焉棄官則族無所庇子身之貳也姑紆死焉雖亡子猶不亡族既夫人將使公田孟諸而殺之使謂司城去公對曰臣之而逃其難若後君何冬十一月甲寅宋昭公將田孟諸未至夫人王姬使帥甸攻而殺之蕩意諸死之

蕩虺 蕩澤

按左傳文公十六年文公卽位使蕩虺爲司馬

注虺意諸之弟

按左傳成公十五年蕩澤爲司

馬

漢 蕩凝

按奇姓通漢有蕩凝

壤姓部列傳

上古 壤父

按尙友錄壤父堯時賢人失其姓名時天下太和百姓無事壤父年八十餘擊壤於道中觀者曰大哉帝之德也壤父曰吾日出而作日入而息鑿井而飲耕田而食帝力何有於我哉

周 壤駟赤

按史記仲尼弟子列傳壤駟赤字子徒注鄭元曰秦人

訪姓部列傳

唐 訪式

按萬姓統譜式字叔矜吳人舉進士有高行知洪筠二州官至轉運使

象姓駟姓汧姓鞅姓昉姓放姓丈姓爽姓忸姓部彙考

凌迪知萬姓統譜

象姓

象見姓苑潁川望族今南昌多此姓

駟姓